

ԽՄԲԱԳՐՈՒԹԵԱՆ ԿՈՂՄԻՑ

ԽՈՒՆԲԱՑԻ մեր երկրում երևալու անակնկալ դէպքը և նորա ընդարձակ ծաւալումը կողմնաստան և եւրոպական Ռուսիայում առիթ տւեցին «Մուրճ»-ի խմբագրութեանը սովորական ժամանակից աւելի ուշ հրատարակելու ներկալ Ռժ-ը՝ իւր բժիշկ աշխատակից Ն. Ուրիկեանի լողածը ալժամ հրատարակելու համար։ Դորա հետ կից տպւում է նաև պ. բժշկ. Վ. Արծրունու «Խրատները խոլերայի մասին»։

«ՄՈՒՐՃ»-Ի ՅԱԶՈՐԴ Ը Ն 7-ը լուս կը տեսնի միացած ը 8-ի հետ օգոստոսի վերջում։

ՄԱՆԿԱՎԱՐԺԱԿԱՆ ԳՐԱԴԱՐԱՆԻ մասին ստացանք հետեւելը.

«Թող տէք այս երկտող գրութիւնս զետեղել ձեր պատւական ամսագրի էջերում ի գիտութիւն ընթերցող հասարակութեան.

«Շատերը դիմում են ինձ նամակով իմանալու թէ «Մանկավարժական գրադարան» վերնագրով ժողովածուն երբ լուս կը տեսնէ և թէ ալդ վերջինի հրատարակութիւնը ինչո՞ւ պատէս ուշացաւ. Հետեւալ հանգամանքներն ստիպեցին ինձ «Մանկավարժական գրադարանի» հրատարակութիւնն ուշացնել. առաջին՝ որ չարդելի աշխատակիցներա իրանց լողածները շատ ուշացրին, նոյն իսկ շատերից առաջին հատորի համար խոստացած լողածներն սպասելով և ոչինչ չը ստանալով, ստիպած էի մի ուրիշին դիմել կամ ինքս աշխատել ալդ պակաս լողածի տեղ ուրիշը զետեղելու համար. Երկրորդ՝ բաժանորդագրութիւնը շատ դանդաղ էր քալում. մինչև պօր ևս շատ տեղերից բաժանորդագրութեան թերթերը չեմ ստացել, չը նախելով որ քանիցս անգամ դիմել եմ նոցա նամակով. Վերջապէս «Մանկավարժական գրադարանի» առաջին հատորը պատրաստ է և այս ամիս կ'ուղարկւի չարդելի բաժանորդներին. Լիպուս եմ, որ միւս հատորներն աւելի ճոխ լինին և նոցա հրատարակութիւնն առաջինի նման պատէս չ'ուշանայ, ըստ

որում խմբագրութիւնն աւելի կանոնաւոր կերպով տեղի կ'ու-
նենայ, նամանականդ որ կ'ունենայ խմբագրական ժողովներ
բաղկացած բանիմաց պարոններէրց։

«Վերջացնելով երկտող գրութիւնս, խնդրում եմ ասն պա-
րոններին, որոնց ձեռքին գտնուում է «Մանկավարժական գրա-
դարանի» բաժանորդագրութեան թերթը, շուտով ուղարկեն
ինձ հետեւեալ հասցէով՝ Боржомъ. Иоаннесу Бархударянъ,
дача садовника Гаврила.

Յովհաննէս Բարխուդարեանց»։

«ՆԱՏՈՒՐԱԼԻՍՄ ԵՒ ԷՄԻԼ ԶՈԼԱՆ» յօդածը, որ անցեալ №-ից տպա-
գրուած է «Մուրճ»-ում, ընթերցողներէրց շատերը կարծել են
թէ թարգմանական է։ Հարկ ենք համարում, սակայն, չափո-
նել, թիւրիմացութիւնների դէմն առնելու համար, որ յօդածի
հեղինակ Ֆելիքսը «Մուրճ»-ի աշխատակից է։

ՊՐՈՖ. Պ. Գ. ԽԱԼԱԹԵԱՆՅԻ ներկայ համարում տպւող գրախօսական
յօդածի առիթով պարտք ենք համարում չափոնել, որ նա
ստացած էր Մոսկւայից դեռ եւ մալիսի վերջին՝ «Մուրճ»-ի
№ 5-ում զետեղելու համար. սակայն, արդէն ուշ լինելու պատ-
ճառով, մի ամսով լատաձգեցինք նորա տպագրութիւնը։

ՍՏԱՑԱՆՔ՝ բացի իւր տեղում լիշածներից, նաև հետեւեալ նոր գիրքը՝
АНАНОВЪ, С. І., д-ръ. — „Абастуманъ и его древнее зна-
чение“. Тифлексъ, типографія М. Д. Ротинянцъ, 1892 года,
գրին է 1 ր. 60 կ. և ճանապարհածախք 25 կոպէկ։

ՎՐԻՊԱԿ, Ռուսական քրոնիկի լառաշարան տողերում, երես 830 սպորդել է
մի սխալ. տպւած է՝ «Ռուսական քրոնիկ վերնագրի տակ մենք
կ'աշխատենք կարելիին չափ պարբերաբար, գէթ ամիսը մի
անգամ «Մուրճ»-ի ընթերցողներին հաղորդել ռուսական
կեանքին վերաբերեալ կարևորագոյն ֆակտերը և ասլն. Պէտք
է լինի՝ ագէթ երեք ամիսը մի անգամ։ Եւ ամիսը մի
անգամ լուս տեսնող թերթը չէր կարող մի բան խոստանալ
դէթ ամիսը մի անգամ, քանի որ դա ամենաշատն է ինչ նա
անել կարող է։